



220200 Боғот шаҳарчаси Ўзбекистон кўчаси, 18 уй. Tel:31-52-807, faks:31-52-425

2020 йил «7» Ноябрь

№ 9417-н

Боғот шаҳарчаси

Нусха № 1

Боғот тумани ҳокимининг 2018 йил
16-мартдаги 678-к-сонли қарорига
тегишли ўзгартириш киритиш
тўғрисида

Боғот шаҳарчасида жойлашган “Тўразода Ботирбек” хусусий корхонасининг туман ҳокимлигига йўллаган 2020 йил 06 ноябрдаги 30-сонли суровномасини кўриб чиқиб, Ўзбекистон Республикаси “Маҳалий давлат ҳокимияти тўғрисида”ги қонуннинг 6, 25-моддаларига асосланиб

Қ А Р О Р Қ И Л А М А Н:

1. Боғот тумани ҳокимининг 2018 йил 16-мартдаги 678-к-сонли қарори билан “Тўразода Ботирбек” хусусий корхонасига Боғот шаҳарчаси ҳудудидан “Миллий ширинликлар ва нон маҳсулотлари ишлаб чиқариш ҳамда сотиш шаҳобчаси” биноси қуриш учун ажратиб берилган ер майдонида “1-қаватида миллий ширинликлар ишлаб чиқариш ва ўқув маркази, 2 ва 3-қаватларида турар жой” биноси қуришга рухсат берилсин.

2. Туман архитектура ва қурилиш бўлими (Ф.Қурбонов)га ушбу ер майдонида олиб бориладиган қурилиш ишларини тайёрланган лойиҳа ҳужжатлари асосида бажарилишини назорат қилиш, туман ер ресурслари ва давлат кадастри бўлими (Р.Рахимов)га ер ҳисобини тузган вақтда ушбу ўзгаришни ҳисобга олиш ҳамда “Тўразода Ботирбек” хусусий корхонаси тегишли ҳужжатларни расмийлаштириб бериш вазифаси топширилсин.

3. “Тўразода Ботирбек” хусусий корхонаси раҳбари Б.Тўразода ушбу қарор қабул қилиниши муносабати ваколатли ташкилотлардан тегишли рухсатномаларни олиш вазифаси топширилсин.

4. Туман ҳокимлиги умумий бўлими (Х.Болтаев)га мазкур қарорнинг нусхаларини тегишли ташкилотларга ва “Тўразода Ботирбек” хусусий корхонаси раҳбари Б.Тўразодага етказилишини таъминлаш ҳамда ушбу қарор қабул қилиниши муносабати билан туман ҳокимининг 2018 йил март ойида қабул қилинган қарорлар тўпламига белгиланган тартибда тегишли ўзгартириш киритиш вазифаси топширилсин.

5. Ушбу қарорнинг бажарилишини назорат қилишни туман ҳокими ўринбосари А.Қуръязов зиммасига юклатилсин.

Боғот тумани ҳокими

 О. Холбоев